

*Дашиева Бэлигма Ванчиновна,
Улаан-Үдэ хотын нютагай засагай бэээ
дааһан хургуулийн урдаху хуралсалай эмхи зургаан
«Номина» гэхэн 1-дэху хүүгэдэй сэсэрлигэй буряад
хэлэнэй багша*

**«Творческая презентация
«Мой успешный проект»**

**«Зохёохы шанар минии түсэл соо»
(«Креативность в моем проекте»)**

Эмхидхэлэй үе, мотивационный настрой	Амар сайн, хүндэтэ журиин гэшүүд, багшанар, хүмүүжүүлэгшэд! «Эхилбэл –дууһаха хэрэгтэй, Бэдэрбэл – олохо хэрэгтэй. Захалбал – захадань гараха, Эрхилбэл – эсэстэнь хүрэхэ» гэхэн уряа доро ажалаа ябуулхыем зүбшөөгйт.
Түсэлэй сэдэб элирүүлгэ	Мүнөө бултадаа эдэ холбуулалнуудые анхарая. (һохор һамган, хорёо барилга, алтан сэргэ, шонын тарбагашалг, тэмээ хамгаалга). Эдэ холбуулалнууд танда мэдээжэ гү? Нэгэ үгөөр хэлэе. (Нааданууд). Тон зүб. Эдэмнай хадаа буряад арадай үндэһэн наадануудай нэрэнүүд болоно. Хүүгэдэй сэсэрлигэй үхибүүдые хүмүүжүүлгэдэ гол түлэб наадан хургалгын онол арга дүн ехэтэй гэжэ булта мэдэнэбди. Минии түсэлэй сэдэб – «Наадан һурая!».
Актуальность	Уг гарбалаа сахиха, ёһо заншалаа һэргээхэ, хэлэ бэшэгээ, түүхэ намтараа, соёл болбосоролоо хүгжөөхэ гээшэ мүнөө юунһээшье үнэтэй. Тиимэһээ үхибүүдые бага наһанһаань буряад хэлэн дээрэ харилсажа һургахын тула тэдэнэй һонирхол татаха зорилготой оньһото онол аргуудые хуралсалдаа тон үргэнөөр хэрэглэхэ ёһотойбди. Би өөрынгөө хэшээлнүүдтэ үхибүүдые һонирхуулха гэжэ элдэб янзын онол аргуудые хэрэглэхэ гэжэ оролдодогби. Тэдэнэй тоодо түсэлэй (проектнэ) арга болоно.

«Shagaimangi» нааданай жэшээ дээрэ түсэлэй удха элирүүлгэ	Мүнөө танай анхаралда «Shagaimangi» нааданай жэшээ дээрэ «Наадан хурая» гэхэн түсэлэй удха элирүүлхэм. Түсэлэй гол зорилго хадаа мүнөө үсын үхибүүдые буряад хэлэндэ <u>наадангаа хургалга</u> болоно. «Shagaimangi» наадан модоор хэгдэһэн дүрбэлжэн. Зосоонь нэгэ таладань 5 туулмагууд соо 5 үнгэтэ 108 шагай, нүгөө таладань – нааданай тобшо зураглал ба буряад наадануудай согсолбори (картотекэ). Наадан 3 шатаһаа бүридэнэ. Шата бүхэндэ ямаршые наада оруулжа болоно. Мүнөө жэшээ болгон, танай анхаралда видеозураг дурадханаб. <i>Видеоролик.</i> Үхибүүд үгтэһэн материал наадангаа дүүргэхэдээ, түргөөр, хайнаар хадуужа абадаг гээшэ. Эндэ үхибүүд табан хушуу малтай, буряад наадануудтай, арадай аман зохёолтой, уран үгэтэй, соёлтой, ёһо заншалнуудтай танилсана. Гэхэтэй хамта «Shagaimangi» наадангаа, тоолоно, үнгэ элирүүлнэ, шагайгаар алибаа түхэл дүрсэнүүдые зохёоно, өөһэдөө харюу бэдэрхэ, шэнжэлхэ дадалтай болоно. Гадна үхибүүн бүхэн өөрөө хүнүүдтэй харилсаха, өөрыгөө хүгжөөхэ дүй дүршэлтэй болоно. Хэшээлэй түгэсхэлдэ үхибүүдтээ суг ажалайнгаа дүн гаргажа, ханал бодолоороо хубаалдадагбди: «намда һонин», «би шадааб, шадаагүйб», «би хурааб», «мэдэхээ һананаб» гэхэ мэтэ. Буряад сэдхэлтэй, түрэл хэлэндээ дуратай, арадайнгаа ёһо гурим, заншалаа мэдэхэ хүниие хүмүүжүүлхэ гээшэ багшын нангин уялга.
Тобшолол, дүн гаргалга	Үнэн зүрхэнһөө оролдожо, үхибүүн бүхэндэ анхаралаа хандуулжа, хэшээл бүхэнөө шанартайгаар зохёожо, үхибүүнэй зүрхэ сэдхэлдэ, ханаанда тааруу, мүнөө сагай онол аргуудые олоор хэрэглэжэ байгаа хаамнай, ажал хэрэгнай үрэ дүнтэй байха. Эхэ буряад хэлэнэйнгээ, уран зохёолой сэгнэшэгүй баялиг ургажа ябаһан үхибүүдтээ эдлүүлхэ гэхэн айхабтар ехэ үүргэтэйб гэжэ би, буряад хэлэнэй багша, омогорхоноб. <i>Буряад хэлэмнай – түрэл хэлэмнай, үгэ бүхэниинь угалза, хонхо мэтэ,</i>

	Ухаан бэлигынъ сагаан лёнхобо сэсэг мэтэ, Элинсэг хулинсагуудай түүхын зула мэтэ, Дээдэ Заяае одон мэтэ!
--	---